



F. Lorenzi pinx.

C. N. Cochin sculp.

*Præfectus Modestus neque minis, neque blanditiis
Basilium magnum mollire unquam potuit.*



ΤΟΥ ΕΝ ΑΓΙΟΙΣ ΠΑΤΡΟΣ ΗΜΩΝ
ΒΑΣΙΛΕΙΟΥ,
ΑΡΧΙΕΠΙΣΚΟΠΟΥ ΚΑΙΣΑΡΕΙΑΣ
ΚΑ ΠΑΔΟΚΙΑΣ,
ΤΑ ΕΥΡΙΣΚΟΜΕΝΑ ΠΑΝΤΑ

SANCTI PATRIS NOSTRI
BASILLII,
CÆSAREÆ CAPPADOCIÆ
ARCHIEPISCOPI,
OPERA OMNIA

QUÆ EXSTANT, VEL QUÆ EJUS NOMINE CIRCUMFERUNTUR,
ad MSS. codices Gallicanos, Vaticanos, Florentinos & Anglicos, necnon ad antiquiores
editiones castigata, multis aucta: nova Interpretatione, criticis Præfationibus, Notis, variis
Lectionibus illustrata, nova sancti Doctoris Vita & copiosissimis indicibus locupletata

*Operâ & studio Domni JULIANI GARNIER, Presbyteri & Monachi Benedictini,
& Congregatione sancti Mauri.*

TOMUS PRIMUS



PARISIIS,
Typis & sumptibus JOANNIS BAPTISTÆ COIGNARD,
Regis Architypographi ac Bibliopolæ ordinarii.

MDCCLXXI
CUM APPROBATIONE ET PRIVILEGIO REGIS.



P R Æ F A T I O.

HODIE vigent maxime editiones novæ: nec est fere nostrâ ætate ullum litteraturæ genus, in quo plus politum sit operæ ac studii ab eruditis. Nec id mirum cuiquam videri debet, cum nihil forte aptius aut utilius ad bona studia promovenda excogitari possit. Hominem qui id neget, arbitror fore neminem, si secum paulo attentius reputaverit, primam, quanta utilitas ex novis editionibus accedat: deinde, quàm jucundum sit in libros ab innumeris maculis expurgatos incidere. Hinc factum, ni fallor, ut hoc scriptioris genus tam impense laudetur ab omnibus, quasi suum quisque laborem alterius labore minui gaudeat, velitque studiosos hac benevolentia significatione magis ac magis ad ejusmodi studium incitare.

2. Hæc mecum cum reputarem, corpi & ipse, multorum exemplo, de nova aliqua editione adornanda cogitare. Vix autem mihi, cum semel ita animum induxisset meum, de opere seligendo deliberare licuit. Ea est enim Basiliæ operum fama atque existimatio, ut impetu quodam magis quam delectu ad ea rursus edenda impulsus sim. Desiderium augebat quidquid legebam, quicquid audiebam de Basilio Magno. Mirabar eum vel præstantissimis Græciæ Oratoribus anteponi, Pericli, Lysia, Isocrati, Phalereo, Demostheni. Et certe Basilio nostro, cum ejus scripta ad posteros transmissa sunt, optime consultum fuisse arbitror. Ea enim tantis laudibus extulerant ea antiquis nonnulli, ut credi potuissent modum omnem excedere, & fide majora predicare: sed quod a fide abhorret videri poterat, id lectuandis Patris gravissimi libris, & verissimum esse, & ab omni adulatione alienissimum suis quisque oculis cernit.

3. Et aliud ad hanc provinciam suscipiendam me movit, expectatio Eruditorum. Nec immerito sane nova Basiliæ operum editio tam avidè a doctis expectatur. Constat enim, quæcumque maxime ad sacrarum litterarum studium pertinent, dogmata, ethica, traditio, historia, disciplina, eorum scientiam non aliunde potius quàm e Basilio scriptis hauriri. Et hæc ipsam esse causam arbitror, eorum gravissimæ Ecclesiæ Patres, ipsa Concilia œcumenica, scriptores & Græci & Latini scripta Basiliæ quasi certatim quantis maximis laudibus extulerint: quorum testimonia notiora sunt, quàm ut ea in medium proferre necesse sit.

4. Neque vero putandum est res solas in Basilio scriptis laudari: laudatur & ipsa quoque orationis elegantia, suavitas, perspicuitas, incredibilis vis persuadendi, doctrinæ integritas, ars mirifica dicendi sine ulla artis significatione, summa in tractandis religionis Christianæ mysteriis cura atque diligentia, sic ut nihil vel à fastidiosis in ejus libris desiderari posse videatur.

5. Quid enim, quæso, expeti potest in Basilio? Nam, ut de facundia sileam, in Basilio scriptis invenias non pauca, quæ ad interpretationem sacrarum Scripturarum spectant. Dixisse parum est, Traditionis monumenta & multa & insignia apud Basilium exstare: dici potest verius, hunc summum virum traditionis auctoritatem præcipue stabilivisse, cum eam Hæreticis tamquam inexpugnabilem murum semper opposuisset. Quàm multa sunt, quæ historiam temporum illorum illustrent: Quot aut

